

守
意
龕
詩
集

守意龕詩集卷二十五

三韓 百齡 菊溪著

丁卯

丁卯正月十八日索陳鑑軒觀察治酒

天放癡雲晚出城落燈風裏雨初晴憑誰唱月分光曲
一遣羈人耳暫明

鑑軒見詩遂治酒相邀用前韻謝之

一笑同游不夜城嫩寒天氣乍陰晴殷勤更翦西窗燭
酒畔燈花照眼明

被酒夜歸不寐再疊前韻

花銀樹火散春城海上風來夜氣晴正好四更山月吐
半規懸向紙窗明

寺鐘聲遠遞重城耿耿星河逼曉晴惆悵天涯莽回首
夢中鄉路記分明

鑑軒夜過衙齋留飲並約訪介庭勲伯

花正閒時月可邀千金直欲買春宵莫嫌白髮催遲暮
難得清尊破寂寥塵世功名殘夢醒天涯詩句別魂銷
乘閒合共公榮飲看竹敲門不待招

自君之出矣二首寄雨窗制府

自君之出矣匝月遞春風堠驛山梅白樓船海日紅防

奸定民志籌策勵羣工佇見鯨鯢剪謳歌葑屋同

自君之出矣含意何由申代斲憂傷手耽吟惜病身雨
聲千里夢花氣二分春好待開東閣頻來共飲醇

介庭勲伯招同鑑軒觀察小集卽席疊前韻

斗酒歸謀折簡邀又勞明月伴深宵花香入座春晝靄
海氣浮空夜沈寥朋輩半如風雨散年華都向簿書銷
多情尙有階前鳥宛轉依人不用招

三月六日寄家書忽憶去年今日出都來閩屈指
經年矣因作小詩寄室人

天涯衰病滯風塵到眼韶華又暮春記折蘆溝橋畔柳

去年今日送征人

感逝傷離鬢髮凋封書寄與路迢迢何因得見雙黃鳥
樓向春園舊柳條

六十生辰游鼓山

未了三生石上緣天涯又作郭郎牽飴甘荼苦都嘗遍
我到人間六十年

眼前歲月似奔輪可惜閭浮界裏身一事無成今若此
長生只是負

君親

暫拋手版豁心顏忍更招邀水石間誰料使君憐病叟

不教愁對海門山

阿雨窗制府張蘭渚中丞札介庭副帥葉雲潭學使景勤圖方伯陳鑑軒

趙雍北諸觀察蹤跡余于鼓山盤桓竟日

盪胸雲起倚朝暉眺盡平蕪疊翠微誰道蓬萊水清淺

天風吹送海濤飛

山顛石室有朱晦翁書天風海濤四字

臨濟宗風替未曾傳衣閒對一龕燈

謂了堂和尚

在家靈運

忘家久何日真成退院僧

一枝燈放百千枝無盡光明無盡期驀地回頭開笑口

從今我是再生時

溫麻旅夜寄家蘭渚中丞

已分衰遲合棄捐尙煩青睞似當年塵埃末路原如寄

燈火前生定有緣暫遠春風情索寞卧聞山雨夢留連
遙知夜翦東堂燭簿領圍身尙未眠

閱季蔡五弟試差應考詩書後

殿前作賦記吾曾西抹東塗似爾能誰料毛錐垂老棄
海天回首望觚稜

丁卯五月于役東甌被

命北行寄閩南僚友

天涯歲月易蹉跎壯不如人奈老何末路敢云宦情少
平生未報

主恩多閒中把卷頻思古病起看花一放歌寄語樓船

諸將帥海門早晚靖鯨波

時海寇蔡牽
尚未殲除

打槳東來趁好風客中誰料別匆匆獅樓氣繞山雲白

鶴嶺光搖海日紅

踰白鶴嶺
至溫麻

每憶偵轅悲老馬又煩踏

雪認飛鴻此行天放勞人眼一笑溫台落手中

捨舟從口入埕呀畫裏山川是永嘉謝客池塘餘宦跡

劉郎雞犬問仙家飛流界道千尋落古木交陰百尺斜

更上石門最高頂青雲梯接赤城霞

記遊青田
石門洞

世味休論淡與濃隨身竿木喜相逢衰遲我似三眠柳

卓犖君真百鍊鋒閭嶠看雲天漠漠吳江問渡水重重

篙師未許風帆轉留聽寒山夜半鐘

余甫奉湘南臬司
之命旋蒙量移吳

門

次韻答清平階中丞見贈之作

推排身已忝陳人白髮相逢臭味親靜者別來心益妙

中丞德業日修而余

故態依然良可媿也狂奴老去氣難馴每懷東越山川

古如入臨淮壁壘新

昔中丞駐節東甌督師緝海寇

幕府已收羣策效

芻蕘猶不厭諏詢

愛山自喜看雲卧對榻頻頻聽雨過贈我言如良藥苦

感人詩似早春和鞭心未路酬

恩晚回首前塵鑄錯多聞有指南鍼在手近來津渡問如何

清平階中丞過甌館卻簡

煙柳暗垂幙火雲晴燒空人難禁夏日君到是清風事
業論千古鬚眉成兩翁激昂無限意都付笑談中

遲暮兼多病空堂卧寂寥每吟詩句好頓使旅愁消喚
雨鳩聲急看山塔影遙謝公孤嶼在暇日許相邀

約游江心

寺

夜熱不寐簡平階

明月夜窺闥起看惶汗流棲難同越鳥喘卻似吳牛淡
影銀灣沒無聲碧樹稠何當搖白羽長嘯倚高樓

爲憶迎涼館應抒尙友情

昔中丞寓高文良公且園

竹風招手至荷

氣入簾清舊夢懷人遠新詩喜雨成會看驅大暑甘澍
遍江城

喜雨次平階韻

孤城雲暗震風雷拉雜排空白羽來光掣螺峯飛電疾
聲喧蛟室怒濤催詩堪志喜應同賦歲可占豐莫更猜
畢竟使君能濟物斟酌元化弭荒災

喜雨簡平階

驕陽熾溽暑眩目火雲爛匡牀卧復起病叟日揮汗詎
惟蔭暘難行見輟耕嘆桑田龜兆堦樹樹鳩婦喚使君
一誠格陰陽互宣贊昨宵雷電疾勢若決天漢縱橫屋

瓦飛欹側燭花亂活活溝澮盈瀼瀼黍禾灌晨興走相
賀志喜弄柔翰亮哉濟物懷持以慰

宵肝山光翠滿郭江影淨浮岸譜茲甘澤謠披襟一笑
粲

述懷簡平階

海上東回鬢雪殘榕風荔雨送征鞍音書寂寞懷鄉遠
老病侵尋報

國難過去雲煙原不着墜來茵潤豈無端誰知佛眼歸
平等猶作華嚴界裏看

鼎鼎年光委逝波雪來柳往奈愁何久醒粵媪春宵夢

怕聽吳孃子夜歌朋輩敢云知己少詩書翻覺誤人多
元關寸寸骨如漆從此將心作鏡磨

次韻徐薜堂記室述懷之作

披襟猶未接先塵雅詠遙傳句法新詞派遠傾三峽水
老懷濃抱四時春南州榻下無雙士

上苑花前第幾人聞道節樓頻借箸鑑湖那得寄閒身
一角雲煙大海東郭公山畔勝游同論交未許來今雨
題句真堪繼古風賓閣酒浮池水碧寓園花映幕蓮紅
衰遲笑我驚秋早病倚江天數塞鴻

六月廿二日晨起簡平階

綠陰繞屋北窗開一枕清涼夢乍回到吟髯擡倦眼
甚風吹得好詩來

病中曉起簡平階

曉星光裏漏聲微強起臨風試葛衣真是把君詩過日
一開眸見筆花飛

解得安心能卻病不須感事更書空回頭一笑連翻噓
知是樽前說病翁

游江心寺次平階韻

城懸華蓋倚南州塵海茫茫勝跡留洞壑煙霞仙客杳
衣冠風月晉人遊同來懷古應多感小住看山信有由

笑聽塔鈴頻喚渡雙尖遙指大江流

使君蕭散骨珊珊雲水光中簇繡鞍手接丹梯千仞立
眼低滄海一杯寬僧堂聽雨驚秋早佛座拈花悟道難
憑仗新詩豁塵障舉頭天外筆翻瀾

海天兜率兩難尋孤嶼欣同謝屐臨雁宕迴環南復北
蜃樓縹緲古猶今金門賈舶紅沙界鹿港文船黑水深
誰挽潮頭平似掌月明晶闕聽龍吟

初秋見雁次平階韻

書空迢遞字連行帶得秋來數韻頽影度海雲分越嶠
夢回峯月憶衡湘啣蘆却喜聲相應折翅須思患預防

寄語春歸仍北嚮漸遠鴻羽共翱翔

次答平階初秋且園晚坐見贈

淨挹荷風步草堂小池暑退湛波光蟲吟夜砌添秋思
花種疎籬放晚香門外紅塵趨若鶩尊前白髮夢還鄉
慣遲作答成余懶詩債何時得盡償

船唇馬背路迢迢到眼西風葉未凋獅嶺昨看閩海月
鷺峯重聽浙江潮閒中舊雨勞追憶別後秋心寄汶寥
小住又增三宿戀客窗留影記叢蕉

七夕對雨

池荷葉亂風竹掃空堂一雨秋聲早天公爲我驅熱惱

今夕何夕烏鵲飛雙星黯黯銀漢微對此不覺增歔唏
寂寞江天一回首人間萬事付杯酒白髮如絲牛馬走

次平階中丞夜涼不寐韻

簾捲西風陡作寒天涯誰念客衣單昨宵明月今宵雨
併入詩人冷眼觀

紙窗竹榻慣清寒未許燈花笑影單忽訝電光飛繞屋
更無人處把心觀

淋漓詩筆寫高寒欲寄秋心雁字單老病婆娑應笑我
祇從壁上日閒觀

嚴子陵釣臺

蒼莽風雲外乾坤一釣臺翁非漁父侶帝有故人來星
斗千秋朗江山七里迴誰敲竹如意朱鳥復增哀

頭銜不署山中相物色原非夢裏求人世風煙多馬革
天涯歲月一羊裘弋名何處無甘餌釣意當年定直鉤
一角斜陽山萬仞荒祠終古俯江流

中秋夜嘉禾行館題壁

杖藜強起倚庭闌颯爽西風掠鬢寒最好鴛鴦湖畔月
夜深偏向病中看

八月十六夜聽雨寄家人

跌宕乾坤白髮翁秋懷幾度寄征鴻胭脂滙畔蕭蕭雨

守意龕詩集

卷二十五

九

伴我愁中又病中

守意寵詩集卷二十六

三韓 百齡 菊溪著

己巳

己巳正月由厯下之任嶺南留別帥學使

詩酒公餘願未酬明湖幾度伴清遊座中每喜文昌入

嶺外曾逢使節留

陳太僕向視學西粵余時撫其地

獨秀峯應看好在

相思水又悵分流

桂林有獨秀峰相思泉

君今東海我南海一笑

真成風馬牛

慣涉津梁樂不疲泰山雲送傳車馳嘶風馬識前番路
踏雪鴻留去後思敢謂寸心猶似鐵卻慚雙鬢已成絲

嶺南一事君堪羨殺賊歸來啖荔支

重宿河間阜莊題壁

旅人迎笑問平安老馬風塵又解鞍一樣清輝茅店月

去年今夜病中看

戊辰上元余病卧阜莊解組還都今年正月既望復宿此驛

問疾醫來遠道驚故人分痛最關情

謂直隸溫景僑制軍

不因留

得頑軀在那更南天仗節行

快馬輕裘慣別離年年惆悵月圓時

自丙寅至今四度元宵皆在道中

報

恩敢謂頭如雪

天鑒初心總不移

年來屢奉勿改初心之訓

月扶人影散村樓誰共衰翁話舊遊酒盞自持還自詠
秋蛇春蚓壁間留

照齋侍郎以詩迎賀於瀛莫間次韻寄答

南交叨使節

北闕拜

恩言忽枉貽佳句先教慰旅魂老慙毛穎禿愁益鬢霜
繁剩有丹心在屏營奉

至尊

那有匡時略頻煩屬望殷渡江應擊楫諭蜀尙傳文柳
陌三春雨樓船萬里雲請纓非弱冠一笑愧終軍

重至白溝河

林烟繞徑喚晨雞十里春風送馬蹄
路到鄉關知近遠人看溝水悵東西
燕梁幾處添新壘蝸壁連行認舊題
猶記病魔催解組上書求免意悲悽

上年因疾滯留於此乃乞假還都

過楚北黃梅縣簡劉觀亭大尹

依舊青山枕碧流麥天梅雨遍村疇
勞塵官轍三年別

好夢郵亭一夕留笑看烟雲迴白首
卧聞鼓角憶黃州

曾煩父老千行淚灑向春江送客舟

余於丙寅春去官北上三楚士民泣

送江濱今思之猶黯然也

重來無恙認鬚眉馬勒春風去故遲
詩句尙傳雲夢澤

姓名誰泐峴山碑當官事要論千古垂老心尤凜四知
布韞青鞋君記取一龕燈火讀書時

觀亭黔南名諸
生余舊識之

嶺南道中寄閩中阿雨窗制府

北轍南轅歲月奔面皴如鐵鬢霜繁風波尙駭前生夢
雨露頻叨

再造恩那有寸長堪報

國每看尺素輒消魂別來無限關心事何日西窗翦燭
論

瘴霧蠻烟繞旆旌雁鴻北嚮我南行重來只恐難消謗
前度深慙浪得名父老至今憂盜賊將軍幾輩作干城

千金欲買昆吾鐵，攜向東溟斬巨鯨。

開平道中卽事

大澤哀鴻集荒墟，瘦犢奔流離。今若此保障，昔誰論戍鼓。連江滸烽烟，逼海門樓船。諸將帥何日，馘孫恩。

一炬憐焦土，昏烟覆斷隄。傷心凋白髮，低首愧蒼黎。死

義貞魂白

梁姓妻余氏女亞蘭
恐被賊辱均投塘死

同仇衆志齊，扁舟耿無

寐。愁聽夜烏啼。

六月八日新會舟中曉起作

夜雷驚枕聚飛蚊，曉拓船窗散鬱氛。漁浦遠分雙槳雨，
戍樓濃壓半山雲。兵真是火愁難戢，事本如絲治敢勞。

羣盜蟻屯遲掃穴炎天海角尙懸軍

時孫軍門駐師厓門

督師新會船窗孤坐風雨大來慨然有作

萬壑雲沉雨鏃鹿厓門高浪駕天輪洗兵誰道河難挽
辦賊真須海盡枯民可使之知大義臣非不自惜孱軀
衰庸屢荷

綸言獎

節次欽奉

御訓期勉感

除卻酬

惶思奮不自知顛毛盡白也

恩一事無

督師海上忽聞賊遁不勝懊憤作此遣懷

塞港焚舟莫更論望洋驚歎啞無言寇窮已是魚游釜

將懦何期豕突籓難得其時乖上策

賊竄赤厓角調派水陸軍士四面圍

截斃賊二千餘名賊之窮蹙爲數年所未有誠不易得之時也正集火具爲焚剿計詎舟師疎防賊潰圍遁矣
不宣爾力負

深恩士民尙作擒渠想

士民方以從此海濱得安相慶慰

舸艦旌旗蔽

海門

滄溟東望鬱烟霾盼捷空將老眼指討賊自慙張叔夜

治軍誰似李臨淮漁鹽海嶠驚風鶴

漁鹽船不出海者已數月

卒伍

山村禦虎豺

所在鄉民皆團練以禦賊彼戎行戮力者何人哉

何日盡教烽燧

息早紓

宸慮慰民懷

聞李軍門舟師由閩洋移泊溫郡之三盤又得其

來簡感賦

火繖張空罩海濱
滄浪六月龍鼉伏
貔貅十萬駕龍驤
連檣晚泊三盤麓
羽書飛過海東來
爲言巨寇已虺隤
惡盈自斃豈天理

軍門書云蔡逆有病斃之信

將軍胡弗張弓矢十

年未挫鋒剽悍鹿港金門數奔竄
蹤跡於今倏杳然
同聲空作望洋歎
幽燕老將舊知名
褒鄂英姿世所驚
如何戟手檣鳥下
長劒腰懸不斬鯨
斗金日耗如消雪
輸輓年年誰敢缺
豈知國賦有常經
一芻一粟民膏血
吁嗟乎責人所難
固不可荷戟從征
吾亦願獨恨北人
幼不習乘舟用武
無地英雄休憑誰
購取凌波馬踏海
斬

盡蛟螭頭

寄照齋侍郎

回首金門想玉珂封書寄與別懷多堂前戲綵大歡喜
陛下賜詩同詠歌獨愧衰年頻竊祿每愁窮島尙橫戈
天公若許風重借一炬功成海不波時圖賊於新安赤
漚海港擬以火舟
焚之

惠州平海城收撫洋盜事竣題行館壁間

遠清波澄都徙鱷夜村烽息不驚旂授戈羣盜歸農畝
平海城應號受降

督師西赴高雷海口剿賊連報捷音作此述懷

橫海戈船破浪飛波臣萬里奉

天威不傾盜穴根難盡若惑人言事盡非老去愁心添
面皺年來瘦骨減腰圍乞身可許功成後嶺上梅花送
我歸

守意龕詩集卷二十七

三韓 百齡 菊溪著

庚午

庚午四月督師高雷剿寇克捷粵海胥平七月旣

望安撫事竣歸羊城得詩八首

戈船西下肅風雷力破滄溟瘴霧開掃穴尙虞留夙孽

追奔已報縛渠魁

舟師追擊巨寇烏石二等于瓊南萬里長沙生擒之獻捷于雷郡之雙溪

港雙溪港外長歌入萬里沙邊鼓棹回見說先聲寒賊

膽將軍兵是自天來

賊不料官軍猝至遂擒其酋而餘黨皆降

列缺飛光震海涯火雲紅照羽書馳已揚兵氣能超距

大快民心欲寢皮絕島燔林驅虎豹

碣洲澗洲諸島賊巢悉焚之

洪

流磨刃斷蛟螭旗門令肅竿懸首

烏石二等百二十人皆伏法觀者感懼

赫奕

天威共凜之

憶昨妖氛近逼河蜩鋒螳斧拒

天戈

去年夏秋間賊踪逼擾內河官軍分往堵剿

花田戍鼓驚風鶴魚浦軍

聲集鸛鷺卧壁條侯威詎損談天犀首語傳訛

舟師扼守虎門

不輕與賊戰以蓄兵力而議者紛然甚至有賊欲以三十萬金致余之謠

老肩鉅任心如鐵

籌筆宵分遣病魔

時余力疾治軍書往往至夜分不輟

封關豈藉一丸泥鹽筴漁經次第稽

粵省鹽法多海運往往爲盜覲餽漁

舟亦然余奏改陸運並禁漁
於海賊乏接濟其勢乃蹙

捍患只愁民力盡詰好未

許盜糧齎沙墩犄角連營壘木柵彎環截澗溪鼯鼠技
窮狐火嘯崖門東畔虎門西

擣虛龍穴夜潮生大嶼山前巨艦橫填海恨如銜石切

焚舟功可借風成

去年冬十一月困賊大嶼山下塞港
焚舟可聚而殲也官軍攻剿不力賊

復笑圍
遁去

誰知壩上軍開壁竟使潢池盜弄兵

詔黜元戎誅懦將森嚴旗鼓六師驚

尙覺披猖虎負嵎投戈忽見乞降書貫盈亦畏神明殛

拚死難將骨肉疎

帝有恩言寬斧鑕

郭學顯張保先後以衆二
萬餘人來降詔許免死

臣非忠信

格豚魚更生有幸謀生拙何計經營莫厥居

碧玉山光潑眼新雨花臺畔雨銷塵力田好喫豐年飯

海濱雨澤應時秋禾豐茂

失業翻愁瘠土民兩郡袴襦資召杜

謂高雷二

郡太守

廿年樓櫓逐恩循而今番舶來無警海不揚波頌

聖人

恩叨持節再來慙軍旅平生本未諳閫外指揮勞將帥
帷中籌策藉寮參從知民事原難緩此是天功詎敢貪
笑指具區明鏡裏島烟洲雨遍交南

辦賊事竣高涼道中簡溫莘圃朱耐亭兩觀察

師行六月瘴雲邊歸聽秋聲一葉傳降卒立功無反側

巨寇烏石二乃諸君籌策有經權

粵民苦洋盜之害廿餘年矣近議勦撫兼

施幸得快心碧海三千里疾首蒼生二十年父老自今

安作息盡銷兵氣入炊烟

果然破浪鼓長風鱗牙雙瞻海日紅

兩觀察親至東海嶼洲各島嶼安良

諸暴憊喜見威儀民志定誓清氛沴此心同人多筆舌

論長短我凜冰淵慎始終卻怪黃茅丹荔畔兒童遮馬

認衰翁

余自粵東引疾還

朝道出武林蔣礪堂中丞以竹深留客荷淨納涼圖行

看子囑題爲賦一律昔辛未閏三月望前一日

名噪玉堂仙作吏湖開金聖吏如仙公家事了耿孤抱
天上夢回消俗緣竹塢荷塘青雨外樓鞋桐帽白鷗前
風光到眼吾曾識扶病思一放船

象鑒螭鼓聲雲黃海上歸來兩鬢霜回首山川氣磅礴
把君圖畫心清涼人瞻高節風塵表我領餘芬翰墨場
勲業文章期不朽豈更公輔苻

巖廊

守意龕詩集卷二十八

三韓 百齡 菊溪著

癸酉至丙子

癸酉暮春山左微湖水細奉

命於江南邛宿運河籌濟轉漕寓皂河僧舍簡幕中諸

同人二首

微子湖瀦涸魯邦膏雨屯膚雲瞻泰嶽

時奉禱雨
泰山之命帶水

阻津門積貯生民命爬疏太古源成謀猶在野數與老

兵論

下相煙村接僧廬水一涯持籌寧我獨借箸賴君皆待

牖鴻溝畫連牆雁齒排桃花春漲湧

南顧慰

宸懷

次前韻

吳 嶠

萬頃微湖水如田積歲屯三春翻碧浪千里下彭門

忽阻中流棹想思昔日源蒼生霖雨意及此待重論

遠水蒙山外蒼茫未有涯

時議疏蒙
山諸泉

論從行客採心

與古人皆初地身同寄羣疑力獨排萬家呼佛處應

識老臣懷

又

汪世樟

候騎遵鴻渚連牆走蟻屯一杯徐引芥萬壑宛爭門
下尺憑施雨旁流曲溯源老臣憂國意未許賈生論
地僻依禪板泉甘味

聖涯

時寓僧舍在行宮之側

休憐齊楚各瘖視越秦皆夜帳星

垣動春旗戍堠排誰知持節處如水勵臣懷

又

蔡謩變

金隄臨月殿玉節擁星屯帆影遙穿樹河聲近到門
中流曾作柱積水此探源夙夜酬

宵旰公忠孰共論

湖水春消漲盈盈天一涯源從何處溯論與大廷皆

生甫集卷二十一
岱雨蒼生繫蒙泉赤手排黃公留片石同此濟時懷

春來遍是桃花水憶武陵舊遊作

得花字

彷彿仙園路不差春來放眼最清華綠溪漁艇盈盈水
夾岬桃林灼灼花激灩一泓添宿雨纍纍千片泛晴霞
此中問渡烟嵐繞到處窮源洞壑斜紅杏村邊帆掩映
綠楊隄畔櫓咿啞重看暖浪逢三月試問橫塘尙幾家
憶大元人前夢渺讀泉明記萬言賒武陵曾共停遊舫
依舊江聲走白沙

庚午冬十月之任黔中過湘南會偕同人遊武陵竟日

附吳嫌次韻

不知風信可曾差勞我頻番感歲華遠浦已添新漲

水小桃猶有未開花三春綠遍湘中草一片紅飛洞

口霞野渡停橈仙侶共山橋題字墨痕斜

制府偕同人游武陵

留題會仙橋詩

銷魂岐路盈盈隔過眼浮雲故故遮卻憶舊

遊身入畫未妨招隱客忘家舳艫轉粟籌須早耒板

歸耕願尙賒點盡緇塵青鬢改十年生事總搏沙

附蔡鴻燮次韻

到眼春風信未差相看轉憶舊年華山光綠映三篙

水波影紅搖萬樹花聽處潺湲疑帶雨望中爛漫欲

生霞迷離返覺江雲冷重疊遙思楚岫斜尙記漁舟

歌歛乃依然邨笛弄嘔啞尋源古渡偏無伴招隱前

津定有家千里青溪塵夢遠三湘烏艇客情賒卽今
艣舳勞籌策莫悵前遊等散沙

附汪世樟次韻

神山縹緲望非差麗景春滋水木華卻憶湘江曾鼓
櫂不知桃塢又飛花渡頭新漲三篙雨洞口渾迷一
片霞綠膩橫波隨浦遠紅黏落盡趁帆斜空濛烟帶
嵐光濕淡蕩風搖艣韻啞天上好乘青雀舫江南應
記白鷗家三春瑤島仙源近九轉衡峯客夢賒聞道
慈航通彼岸微塵嬾與管恒沙

皂河僧舍黎湛溪河帥餉稻米賦謝

不待愁吟乞米詩
稻香風送午炊時
老夫放箸頻低首
辛苦盤中粒粒思

來自田間餐已餽
素餐垂老負

恩多何當果遍窮
檐腹處處同聽擊壤歌

勸我頻加客裏餐
滑匙休笑齒牙殘
一囊留作桃花粥
歸餉兒童盡室歡

茅堂孤坐雨聲中
野水灣灣碧映空
見說前村舫舶到
更將米價問江東

附吳嫌同作

萬顆明珠萬笏金
相看那及此情深
從來肥國無他

計第一先存養士心

重勞客裏勸加餐。眼底江南春又殘。忽憶半生常負米。白頭堂上話艱難。

倦遊我已嬾依人。卻感平生國士恩。一飯不忘

君父意。暗消麟閣舊精神。

一片桃花千里水。萬方轉粟恐嫌遲。忘餐說到關心處。正憶

深宮盱食時。

春晚渡江

南北地與劃金焦。山影雙中流。鼓蘭檣飛雨入。蠡窗雲

氣浩連海鐘聲遙過江波濤思戰伐未許壯心降

宿關過觀梅林榷副池上軒小飲

馬陵山色接平蕪小築幽軒傍路湖喚雨楊林鳩逐婦
舞風花逕燕攜雛每談鄉景思親舊只恐年光擲道途
昨日尺書勞問訊

適接乃兄煦齋侍郎書注存甚切

衰慵敢不惜微軀

皂河望雨

籲盼甘膏注碧潯鳴鳩聲似助愁吟頻籌檣軫飛芻計
恐負豚蹄祝歲心麥隴東南晨氣潤山樓西北暮雲沉
何當喚起龍行水看作人間傳說霖

附吳嫌同作

舉頭天外獨何心
指點雲容問淺深
猶恐田疇歌待
澤況聞

霄漢盼爲霖
江淮轉運思
來日齊魯祈年
直至今不
盡老臣憂國意
尙將餘事付長吟

黃林庄道中作

漠漠春陰村晝長
綠楊門巷接橫塘
呢喃乳燕如兒語
浩蕩閒鷗笑我忙
往事驚心思在
芭暮年學步怯
登場
素書一卷誰堪授
黃石山高竚夕陽

村夜

東風擘柳颺新絲
又是春光欲暮時
任重祇愁難負荷

恩深那敢懈驅馳飛符調水帆檣活列帳防河士卒疲
誰識一鐙村舍裏白頭相對夜論詩

曉起

盈几官書手自裁焚香掃地曉窗開誰教黃粟留頻嚼
爲我殷勤喚夢回

初夏郊行

馬蹄侵曉踏烟莎藹藹村塍夏景和桑葉大來含露重
麥頭昂處受風多臨流便覺心如洗健飯渾忘鬢已皤
只待澆愁三日雨萬篙新水送船過

夜坐

佛閣香飄鼻觀清萬緣消盡曉鐘鳴牀頭月影連燈影
門外風聲帶水聲登麥已虛農畝望聞畿輔春麥失收作霖應
慰

聖人情

上禱雨都中黑龍潭甘澍普霑遐近歡慶

自慚老乏涓埃報枉向

南州仗節行

賦得山中一夜雨

得船字

待澤夜瞻天油雲斷復連四圍山氣合萬派雨聲懸浙
瀝青林外淋漓翠嶂前暗濤穿石骨急響挾風泉浪助
橫塘水膏凝別墅田占甸應不爽竟夕已無邊破夢同
欣爾聯吟一灑然詰朝津路潤輪輓捷南船

附倪竹泉侍御同作

夢醒林巒裏幽棲潯暑蠲四山烟漠漠一夜雨絲絲
雷隱雲峯遠風驅嶂溜懸料應添澗水知已渥桑田
澤可崇朝遍期寧十日愆昨曾占礎潤今已破天慳
且共茅檐聽休嫌寺榻眠來朝看鼓櫂波泛運租船
癸酉夏五作於下相
僧舍時督運河干

附黎湛溪河帥同作

誰共山中卧翛然夜不眠乍看雲陣合忽聽雨聲連
複嶺驚濤壯層林急溜懸窗明遙激電砌湧暗霏烟
澤定霑高隴波應助大川快心三日後傾耳五更前

此際煩襟滌凌晨好句傳更欣帆楫活萬斛送丁船

癸酉夏日督運
皂河作於僧舍

野桃效香奩體同竹泉侍御湛溪河帥作

灼灼山村第幾家門前流水自橫斜
春深睡起渾無賴
生看游蜂鬧晚霞

番番愁雨更愁風寂寞探芳野逕中
一笑隔離春又晚
映人誰憶去年紅

問訊當年萬柳塘鶯鶯燕燕爲誰忙
於今寂寞天台路
莫誤劉郎共阮郎

種來天上露華新無限風光無限春
看到開花連結子

三千年伴蕊珠人

五月望日皂
河寺廬作

附倪竹泉同作

天天村畔映晴波
玉洞因緣入夢多
燕子已歸春又暮
桃根桃葉近如何

不隨凡豔共飄茵
移向天台別有春
莫恨劉郎歸去早
多情猶有看花人

裁紅暈碧總爭妍
煊染春光二月天
誰識成蹊千樹好
無言含笑晚風前

綽約風光占小園
倡條冶葉漫同論
從今一洗繁華眼
看到儂家水竹村

癸酉五月望日

附黎湛溪同作

無復雕欄護麴塵
短籬灼灼占青春
仙源猶記前番路
瘦倚東風笑看人

江村細雨落花時
竹外猶留三兩枝
惆悵兔葵和燕麥
劉郎回首鬢成絲

見說元都道士家
春來日日飯胡麻
若教共喫桃花粥
也向瑤池掃落花

家住清淮灣復灣
年年春到畫簾間
情深誰似桃花水
一片紅波映鬢鬟

老妾和友人韻

一樣階前姊妹花
籠烟帶雨最天斜
誰知過眼春光老
綠葉成陰感歲華

也添鍼線到郎衣
辛苦何嘗織素稀
記得夜深殘夢醒
小星光裏抱衾歸

我見猶憐意總歡
白頭未許怨紅鸞
若教長伴胭脂虎
早作人間竈婢看

羨調衆口本難同
中饋頻參大婦功
莫笑髮稀添面縐
壽顏留伴阿家翁

附倪竹泉同作

小星猶記抱衾稠
纔見青春又白頭
畢竟檀郎情似

海不教團扇怨深秋

翠蛾低掩入朱門暮雨朝雲歲歲恩每到酒酣花共
笑玉奴風韻至今存

不能忘處始情真太傅櫻桃感暮春誰遣琵琶彈舊
曲笑他老大嫁商人

敢索催粧絕妙詞含情未厭畫眉遲鍼樓鏡檻春長
好一種撩人似舊時

附黎湛溪同作

笑將春色讓桃根剩粉零膏舊篋存一炷心香千遍
佛蓮臺長頌主人恩

良媒猶託問名時
陌上風光步步隨
草長鶯啼春又老
五更殘月杜鵑枝

衣衫漸懶逐時新
作計翻蒙大婦親
歌到柳絲吹又少
玉奴青眼自憐人

懶將香屑賭輕軀
房老年華亦自如
到底玉郎情未了
歲時還計賜明珠

附吳嫌同作

幾回相伴卜金錢
憔悴偏邀大婦憐
何事畫眉都草草
本來風韻出天然

無聊重檢嫁時衣
依舊鴛鴦逐
和得篋中花樣

在爲他人作未全非

傳銷惆悵舊年華
隔院何人笑語譁
小婢無端閒指點
東風顏色在桃花

拚將長日伴清譚
情性無勞仔細探
卻比專房倍珍重
十分痛癢舊曾諳

暮春棲霞山僧舍小憩

麥天晨氣藹朝曛
上界鐘聲隔嶺聞
村逕水融千澗雪
寺門山繞六朝雲
逃禪捨宅留鴻跡
懷古尋碑剔薜紋
惆悵紅塵消未得
暫停車馬息勞筋

偕巡使河帥至沙家口催運軍船兼視沂水來源

分賦得勞字二首

一雨遍林皋波添半綠篙沙痕疏斷港橋影界奔濤事

可開誠共心宜作僞勞升香囑泰嶽

上命山東大吏賞藏香祀岱宗禱雨

遂大獲甘霖遐邇渥甘膏

太古蒙泉達探源萬仞高派分雲竇遠聲撼石門牢逝

者看誰悟欽哉勗共勞

本年山左澈湖水絀屢奉竭力籌運之訓諭

浴沂風

景在老我滿塵囂

督築王營減壩漫工並查勘海口

澤國洪流圻江村井竈空思艱勞

聖慮悍患策羣工故道湮難復高原濬可通誰言沙似

鐵橫截海門東

竹泉侍御湛溪河帥索賦試帖詩勉強應命自忘
出醜復戲作四句以博一笑

舞衫謾板舊因緣拍舉春風屬少年却笑阿婆塗抹慣
白頭還到鏡臺前

與竹泉湛溪雨夜燈窗論韻戲作

簾外陰濃雨浥塵僧廬半日得閒身拈毫隔座同低首
對影燈前是六人

曾結三生石上緣春情如水惜華年琵琶不是當時曲
量怪含羞笑不前

僧廬瀟灑淨無塵百鍊文章百戰身共把浣花一盃酒
本來嚴武是詩人

蒲團兀坐隔紅塵且寄尊前現在身一剎明間頭雪白
推排我已是陳人

南漕渡黃蒙

恩甄敘倪侍御有韻恭紀卽次元韻

鼓櫂揚帆看渡河也如師克在人和隔江玉粒輸倉早
往歲金錢擲水多

向時河口不治糜帑頗多

使者新詩催澍雨邦人

好夢兆嘉禾共欣游泳

恩如海夾岸歡騰浩蕩波

同人以勸君更進一杯酒爲題賦送朱白泉觀察

西行

西向長安展笑顏迢迢休問玉門關人從宿昔覘懷抱
天與年華試險艱紅日影懸鴉背外黃河聲繞馬蹄間
臨岐已聽輿人說一路春風竚引還

蕭蕭蘭韻出莓苔冉冉荷香撲酒杯莫道好花秋寂寞
含情都爲使君開

競說秋江並蒂蓮誰知空谷韻堪憐牧之禪榻頭如雪
惆悵春風又十年

雨中同人訪隨園

一桁青山抱石城買園招隱宦初成評量水木歸詩卷
狼籍鶯花識姓名曲徑雨延游釣侶層樓風送嘯歌聲
十分春貯琉璃界人影衣香樹杪行

癸酉三月二十九日回金陵節署作

入室聞兒語喃喃繞膝親漸能知拜跪似解慰勞辛兆

夢長思佛

兒未生時其母夢
佛媼賜玉孩二

呼名莫負麟

兒甫生時奉
有天賜麟兒

之諭遂命爲小名假年指老眼看汝到成人

生日作時年六十有六

四月清和夏景延階蔭一葉紀孤懸開樽與客吟花下
拄杖看兒拜膝前舊事思量如夢幻

新恩叨被得天憐眼昏頭白吾衰矣七十于今欠四年
五月十九日自遂溪冒暑馳八十里至城月郵館
饑不得食從辛圃觀察乞飯而觀察亦忍饑
僵卧無可持贈者因戲占小詩簡之

一笑相看喘似牛饑腸鳴鼓汗交流絕糧豈是逢陳蔡
病莫能興從者愁

未必乞漿竟少緣行廚如我竈無煙人生一飽真難得
下箸何須費萬錢

饑溺何曾痛切膚坐聽庚癸路人呼無謀肉食原堪鄙
合共翳桑作餓夫

晚風驅暑雨消塵土室繩牀意轉親若使竟傳逐客令
那能不作避秦人

王春巖觀察黎湛溪河帥集邳州灘上草堂送倪

巡使還

朝各賦七律一首

得東字

未許霜威說避驄又看樽酒故人同柳含別緒絲絲雨
荷展秋心葉葉風雲漢迢迢星拱北海天滉漾水流東
眼前多少蒼生意都在皇華一卷中

同湛溪河帥攜樽至甯灣倪竹泉水雲舫再賦灣

字十六韻送別

待牖千帆靜開尊半日間村圍烟面面岸轉水灣灣舟
似乘天上人來坐晝間遠音蟬乍曳樂意鳥相關碧海
吞孤嶼黃河抱遠山沈寥紆勝概俯仰豁塵寰且喜詩
情健同將別緒刪方春瀦水涸越境挽芻艱羽檄頻催
迫丁徒况黥頑爬沙看蟻聚結纜訝猿攀計里風占信

知時雨破慳蒙泉通奧竅沂浪瀉淙潺

雨後蒙山泉流
全出沂水亦漲

發入

鼓棹津程捷鳴鉦使節還柳垂旗影密花襯馬蹄

殷氣味芝蘭室聲華柱史班雙魚煩記取尺素慰衰顏

癸酉六月十二日子役宿關小憩極樂寺晚歸皂

河僧舍簡黎湛溪河帥作

木魚笑客避囂煩
簷蔔香中淨六根
門外紅塵隨去馬
柳邊青雨暗孤村
看山笑我迷真面
觀水從君問古源
畢竟天民天愛惜
不教廬井沒潮痕

晚涼風送馬蹄輕
缺月娟娟照水明
匝地黍禾秋有慶
連村雞犬夜無聲
峰巒莫訝浮雲影
箕斗徒傳列宿名
忽報寺樓鐘一杵
虛空擊碎萬緣清

六月二十二日下邳催漕事竣與黎湛溪河帥聯
舟歸袁浦各賦秋字韻五律二首

風雨大河頭
方春倏報秋
經營三百里

邳宿運河三百餘里今歲蓄水

挽送糧艘四千七百餘號

推挽四千舟
濟事叨神助
同心集衆謀
湖

瀦誰使涸寄語導源流

欲速何能達人之滿送周與君同努力報

國肯貽羞

上帝鑒真宰前賢宏遠謀笑看公路浦烟水賦新秋

六月二十三日洪澤湖隄上遣懷

山圩西北分溝瀆淮甸東南接市廛四百里湖波浩渺

萬千文石岸鉤連每虞震撼生風後誰解綢繆耒雨前

莫放周橋疏海口治河機要寓詩篇

昔靳文襄公幕客陳省齋有東去祇

應疏海口西來切莫放周橋之句卓識名言司河務者宜深思遵守之

火雲灼肉汗霑巾奔走何辭老病身敢謂隄防爲下策

只愁昏墊念斯民沙停深淺湖形側壩啟高低水

近年河決入湖積沙湖底漸高賴東南已嫌壩相時啟閉既免漲且清敵黃至善

無謀前鑄錯肯教再悞更因人所惑幾成巨患不

恨不已昨開名禮二壩禮壩既塌而智壩亦事彼此坐視不心築堵以水竭盡尙引

運開門揖主誠心亟往勘防令速閉省壩并收護禮壩口門以

大淤尖同楊崇邁功乘舟望海

金隄千里障狂瀾海水朝宗萬姓歡誰識扁舟東海

白頭二老望洋歎

二瀆東趨此一門何曾鐵板峭沙市近年訛言海口為板沙填截黃

不能滙注癡人競說蓬萊淺未解麻姑是喻言

平海集卷之八
羣港蘆洲潦水枯天教斥鹵變膏腴
風吹過清如洗

時清釐海濱蕩務
海上應無逐臭夫

百丈飛濤萬頃烟青紅沙漾白鷗邊
海口南青乘風沙北尖紅沙

波浪吾何敢憑仗君才濟大川

盆魚二首

一盂新綠貯清虛
顰鬢勢有餘
活潑潑中魚
會心休笑我非魚

徘徊風影午晴餘
生計江鄉問老漁
萬里河海聽潮
從今不爲魚

鄧黃道人偶懷占

山鬼追壁祖龍死篝火叢狐揭竿起
岷橋夜半素書傳
整頓乾坤隱君子顛秦蹶楚運籌策敗公事豈腐儒比
使之忍忿成大謀躡足心原似進履吁嗟鳥盡弓則藏
不待封留已知矣辟穀何妨尋赤松採芝詎肯隨黃綺
君不見丈夫功成身則退鴟夷一舸避烏喙千秋流水
斷橋傍先生之風高且長

溽暑腹疾臥下相寺廬得金陵節署中家人書具
述麟兒頑健言笑之狀客問其想乃翁否則以
手撫胸應之日想因口占四韻寄示之

不離娘更盼爺還知汝童心比我頑步似樗駒行得得

語如洲鳥聽關關黑衣拜

龍真非分白髮酬

恩詎敢閒今夜夢回蓮社裏病魔銷盡一開顏

用前韻寄示都下丞廉忠勲淳榮增善諸姪

何時共迓老夫還笑看羣兒作劇頑各有賢愚難預料
須知痛癢要相關培根自見荆花茂肄業休拋雪案閒
鳳喜引雛牛舐犢若翁相顧定歡顏

再用前韻寄述亭壽庄香巖霽原菽原諸弟都中
換骨何須覓大還我心如石自堅頑衰年有子教扶杖
深夜無人自掩關夢草難消靈運感隱鷺苦憶少游閒

何時共把長安酒弟勸兄酬展笑顏

三疊前韻寄長女

長望明珠老蚌還而今弱冠已童頑慰余暮景開愁抱
憶汝鄉心夢故關馨膳久相姑性熟授書猶趁女工閒
時課外孫春郎讀書應童子試定應頻與金龜婿說著衰翁憶病顏

秋曉行倪家灘河岸
湖草舍簡陽邁公觀

寒

雲白沙黃曉日紅茫茫
錢流東探源自是來天上

順軌應教行地中萬井黍禾圖大計
一春畚插藉羣工

今歲春工堅整在事諸君杰著辛勞吾衰未識
策口有酬

恩效鞠躬

土埵烟霏薜荔牆
條條村徑入斜陽
鳬浴水翻孤影
高樹鳴蟬送早涼
大可有秋心
悵望曾經觀海氣蒼茫

甫閱海口歸

福星一路輿人誦
相伴題詩坐草堂

河隄郵館夜坐遣懷

老屋重茅照短檠
夜涼孤坐夢難成
頻煩塞鴈傳鄉信
只待沙鷗識宦情
病退餐扶杖穩
髮稀新沐舉頭輕

蘇軾

髮稀沐頭

遙憐繡襖窗裏驥子喃喃學語聲

秋晚行高堰道中

老子山光照暮霞
沿堤燈火路欹斜
西風不起月東上

睡穩淮南十萬家

澤鴻聲裏駐肩輿
破屋秋風蕩析餘
忍把蒼黎葬魚腹
我來愁讀治河書

癸酉長至日作于彭城寓館索幕中諸友正和

又見日長至年華付宦遊
形勞塵面皺心瘁鬢霜稠
雪意垂農畝山痕繞戍樓
一陽蘇萬彙陰冷氣全收

癸酉臘月八日彭城野眺

雲補西山缺煙橫北郭遙
村聲催臘鼓野氣釀春苗
凍澗魚猶躍山亭鶴可招
才過長至日已見凍全消

寄鷺門舊作

樂天詩句別情多又遺玲瓏宛轉歌千里暮雲垂桂嶺
片帆春雨滯湘波音留壁上琴心古韻寫樽前雁字過
時接鷺門所寄書放出一頭君莫讓老夫抬眼向

鸞坡

擬題催妝詞冊後

外孫毓泰穎慧能文未弱冠卽遊於庠今歲三月受
室書寄所作催妝詞并同人和詩一冊請題於余余
老矣憶此子總角時牽衣嬉戲且暮間事耳今乃旣
長而才以偕伉儷觀其所作喜可知也因念余子扎
拉芬近始就傅粗識句讀轉瞬數年亦將如其甥之

成人有識且相與策名頡頏於

朝則吾家宅相有徵允傳佳話爰書一截句以志期
慰

英年衿佩喜翩翩嘉耦宜賡靜好篇他日能成吾宅相
此甥此舅一時賢

題青燈有味圖

嘉慶丙寅余於役閩南從杭州廣太守借書并寄小
詩云食字何從便得仙牙籤三萬散雲烟父書未讀
頭先白腸斷燈窗上學年越今丙子歲十稔矣兒子
總角就傅公餘視學白髮青燈悠然相對數十年滋

味歷歷自喻於懷昔人所謂情隨事遷感慨係之矣
因誦放翁青燈有味似兒時之句倩錫山老人華冠
寫其意於金陵節署之不繫舟復系以小詩

依然照眼舊燈光老把芸編味更長

帝有恩言臣忝荷麟兒天賜紹書香

嘉慶十六年九月十六日兒子扎拉

芬生蒙

皇上以百齡老年得子繼續宗支

御賜嘉名

溫綸褒勉旋於百齡奏事暨謝

恩

招內復奉

硃批有

上蒼昭鑒

賜汝麟兒世代書香福祿綿長之

諭

附陳鑾題詩

韋氏美紹述頌者噙金贏王宗致通顯薦者崇明經

唯公實邁之

國瑞垂家型功成謀燕翼憬然追生平平多不朽
今古推殊榮風雨抱一編螢案光熒熒性嗜儼飢渴
特達揚

王廷燃藜校天祿撒炬歸承明敷厯遍中外所至垂
令名鈴齋涉吟趣萬卷抵百城昂昂騏驥姿詩禮嫻
趨庭綠髻與白首共此燈光青挑燈告令子三復詞
丁寔爰采放翁詩寤寐發深情名工倩圖繪大筆紛
題評蒙賤眇聞識再拜慚蛩鳴憂樂先天下甘苦期
畢生但得味外味如傳燈後燈斟酌道之源有核義
之精鹽梅贊揆席海內希和羹乃知達人業世受明

德馨傳家有真樂相喻惟長樂

附王芭孫題詩

許國廐火吹忠宣帳篝墨熒熒此孤燈將相自古得
世人鮮知味鑿壁笑常匿吾儕萬酸丁賴公洗寒膏
公持照世杯光采射絕域漢廷藜杖懸粵嶠狼烽息
橫海拔鯨牙摩霄翦鵬翼傳來籌筆詩都上弓衣熾
東南今卧理形勝入憑軾滑臺隣柝驚徐方安堵密
昇平多葉芽蒐除剔坏蟄四時調玉燭三舍退熒惑
但占月戟臨旋慶星弧直莫非少小時青燈所得力
晚抱玉麒麟入塾露岐疑政暇聽咿唔宵窗引結習

依然老諸生餘味在胸臆坐擁火城圍彌覺檣檠憶
燎薪或無眠囊螢有忘食何限無燈人此味可勿識
威鳳非凡雛神駒自閑則燈前媚學子作圖付傳襲
經文與緯武繼起覩英特若非呂公著定是韓持國

附汪世樟題詩

尙父書勲日終童就傅年人云萬事足師有一經傳
謝墅春暉藹韓檠夜景妍十行成誦處已解賦方圓
瀛海仙塵溯弓裘

世澤新藜光

三殿筆芋火十年薪兢業調羹理艱難蔽菜因丹青

憑寫記

國瑞早圖麟

右守意龕詩集二十八卷先大父文敏公所著嗚呼公

之薨蓋三十一年於茲矣公薨之十三年

玉年生玉年

生之七日先大夫卒明日先太夫人卒迴憶始孩卽丁

大故非得大母周之嚮閔恩勤

玉年

能自成立耶日月

不淹忽忽者今年已十有九而行誼不加脩每檢先人

手澤心慙焉其如擣矣是集舊刊於粵東以往來郵籤

不便且恐久而散佚因重梓之工甫竣適大母壽躋六

十幸烏私之有待愧繩武而未能謹識顛末用志遺硯

之感云

南陔遺草附刻

扎拉芬 麟圃著

菊影 得秋字

花好未簪頭枝枝淡影留色難金蕊認香入酒杯不
明月踈籬夜斜陽老圃秋肯同彭澤採背指又臨流

梅影 得斜字

寫出疎疎景黃昏冷月賒一枝誰折取滿地已橫斜
仙步空山徑詩情近水家遙知香暗動高格爲君誇

大風夜坐

撼壁狂風起敲窗敗葉鳴飛來塵萬斛吹墮月三更

局戶寒仍透重衾夢未成漫聽更漏永伴我有書檠
邀人作字賦此代簡

先生有筆具神通揮灑由來腕力雄白愧春蛇與秋
蚓待看舞鶴共飛鴻

剡藤幅幅備多時爲少如椽筆一枝不惜來朝沽酒
費張顛醉後寫淋漓

送內弟芸田出都省親山左

言旋帝里不多時眉宇方欣對紫芝心切趨庭向
東魯送君又唱渭城詩

一鞭風雪馬蹄輕遠水遙山計驛程爲問寒梅花放

否可能東閣助詩情

甘棠徧聽誦聲傳
裘馬重經正少年
爭買絲來繡公子
平原本自擅翩翩

官舍從今爲子舍
滕前原不算天涯
相逢預話秋風到
來折天香一樹花

水仙

秋水爲神玉作膚
盈盈翠袖怯寒無
分明仙子人間謫
宮樣驚黃半額塗

淩波羅襪不生塵
漫擬黃初有洛神
一束宵來驚入夢
清標合是謝夫人

大雪郊行

一鞭衝雪去出郭曉寒侵玉是天公戲梅驚客子心

炊煙茅店濕詩思灞橋深卻羨袁安卧

謂黃雲莊學博歸途

欲往尋

不飲

幽情漫說醉奇芬辜負牀頭一瓊雲吟罷小詩寒月

上夜窗嘗茗當微醺

不寐

殘宵遠漏聽模糊伴有青編興不孤搢枕待看窗月

白一枝梅影上來無

硯冰

几席生寒硯亦冰
臨池未試照層層
半窗暖日烘還早
一室清風冷已凝
和墨看他終皎潔
揮毫助我帶鋒稜
閒情愛折梅花供
只恐銅瓶凍不勝

筆花

漫言垂露與驚風
妙試生花便不同
五色夢通仙枕外
十分春到管城中
松煙落處痕留彩
蓮炬燒來豔映紅
差幸中書猶未老
及時自効最玲瓏

守歲作

六街爆竹響連空
又見家家報歲終
酒脯陳詩慙賈

島光陰付水慨吳蒙鐘聲漸覺諸天白塵界新來十

丈紅

開春應照例當差

料理椒盤親獻頌燭花高卷北堂中

元夕作

月滿天街漏不催聲聲爆竹誤驚雷東君早把春光
洩萬樹銀花到處開

填咽遊人樂有餘暗塵隨馬復隨車閉門我願從劉

向乞許燃藜共照書

時蘭友夫子亦未觀燈

初春卽事

庭前有生意早晚報余知春淺先聞鳥花寒暗著枝
掃塵緣待客破悶自尋詩煙景休辜負清閒更幾時

春郊遇雪

尋芳非踏雪轉值雪飄飄春事遲燕國詩情又灞橋
漫疑飛柳絮空自近花朝歸路寒風緊衣輕早解貂

夜坐聞笛

吹笛者誰子殘燈宵已分四隣羣動息獨坐幾回聞
舊曲翻烏夜新聲過碧雲待逢花月夕三弄更煩君

春日試射

猿臂何堪自詡雄射場楊柳已飄風書生氣習毛錐
慣偷得餘閒又挽弓

驟暖

連日餘寒在今朝淑氣融漸添花鳥趣不復剪刀風
酒換狐裘白爐移獸炭紅錦囊思得句駒隙漫匆匆

讓泉兄由浙寄書來問賦此奉答

加飯他鄉慰牧之

樊川句云異鄉加飯弟兄心

錦鱗書到未嫌遲

江南草長池塘碧可有春宵入夢時

年來奉檄樂相關鳩杖扶時解壽顏迎得板輿名勝

地故鄉無此好湖山

用蘇句

燕臺花萼卜聯芳

謂恕齋勸庭兩兄

雁序何時更整行記得

去年重九節茱萸同誦右丞章

已屆應官聽鼓秋馳驅敢輒廢功修阿兄遠道殷勤

問慚愧居鄉馬少游

哭德

先生

余從學

國書者

數年函丈樂相尋作賦何期鵬鳥臨身後家難充爨

金讖成詩獨誦哀音

先生素不喜詩去年見汪瑟菴相國絕筆作吟咏不絕薇

垣久厯官多滯瓊樹先凋痛已深

數年前有喪明之戚血症由此漸增

易簣倉黃疎問訊寢門空灑淚潄潄

挽强腕下聽鳴弦

先生善騎射余兼學焉

不獨難忘問字緣筆

走龍蛇留舊蹟心移鴻鵠悔當年絳帷底事遲重下

余自幼在門中隔數年仍復受業

白羽何由得妙傳相對鯉庭今寂

寞

詰嗣三人

門墻桃李共淒然

嚮往園卽事

邱壑通深徑樓臺列畫城
草芳誰撲蝶花好不聞鶯
麗景供詩料幽園隔市聲
及茲騁遊目天氣正清明
暖晝深春永斜陽晚景留
書聲來別館山色上飛樓
落筆塗鴉便彎弓中鵠求
笑他車馬客那得此清幽

題畫竹

黑雨布陣縱橫飄指顧放出修篁梢
節節聳立葉葉活使筆直欲翻波濤
風迴輕捲靜女袂雪壓勿折高人腰
瞥看不信畫中景側耳如聽聲蕭蕭
平生癖性惟好竹那得環種萬竿綠
今朝對此開心顏恍如置

我瀟湘曲誰其畫者真佳哉筆法都從狂草來有時
拗作鐵鉤鎖迥出凡蹊爭新裁游龍掉尾妙騰擲翠
鳳展翅紛毳毳頗覺神通不可測渭川千畝胸中栽
從來畫推與可首此幅肯落前人後我愧作歌才力
薄只堪配彼風中柳

題東坡前後赤壁遊圖

誰爲坡仙記勝遊煙波萬頃泛孤舟風情不減黃樓
夜月色同看赤壁秋回首江山繞烏鵲側身天地寄
蜉蝣飄然莫管興亡迹酌酒吹簫各破愁

赤壁重來木葉枯前番風景認模糊三人一棹鱸魚

美明月寒江鶴影孤巖畔嘯聲悲客思宵來夢幻醒
歸途神仙境界才人賦寫出遊情此畫圖

鷹

軒軒立臂鷹勇氣森朔幽知是不凡材顧盼雙金眸
攫身猶未出鳥雀驚啁啾念汝有一擊莫輕下錦韉

松

青青澗底松結根猶未老何來鳶與蘿依依強縈抱
生爲後凋姿豈徒蔭小草參天會南期附託一何早

玉年 旣重鑄守意龕集又得 先大夫古今體詩若干
首質之業師唐絅齋先生先生曰是家學一脈之傳也
爰命付諸集後以存手澤於無替云道光丙午嘉平月